

Plenchi


Bèl a bati

Bèlèm Bèlèm Bèlèm yega pa nos por interkambiá. Subi nos Plenchi di skol pa bo keda na altura di tur kos positivo ku ta pasa den nos skolnan. Bo a realisá ku ya nos a drenta luna di novèmber. Falta 6 siman pa aña kaba. Ta asina dianan ta kore pasa den un fregá di wowo. Ta pesei, kada dia ta un dia pa bo hasi loke mester pa kumpli ku bo metanan. Dediká tempu na bo famia, eseí ta lo mas esensial. No sende lus na kas di otro anto laga di bo mes den sukú. Duna tempu na bo famia, duna atenshon. No ta bai pe kantidat pero e kalidat tambe. No kumpra kos, gasta sèn na material kere ku esaki ta loke ta importante. Na Kòrsou tin hopi pobresa material, pero tambe muchu mas pobresa emoshonal. Kasnan sin amor i sin atenshon pa otro. Ban pone di bo parti pa bo kombersá mas ku bo famia, reuní pa hasi kosnan otro for di otro. Un desayuno kantí laman pa wak solo sali. Of un bahada di solo kanti laman mientras boso ta bebe un biña of un awe lamunchi. Disfrutá mas di nos naturalesa huntu ku otro. Bai misa huntu i despues di misa komentá kiko bo a siña, no kiko bo a mira na redu den misa. Si bo a mira algu mes, saka un lès for di dje pa bo mes bida, i no pa papia riba otro. Bisa bo yu, ku e paña di tal hende no ta adekuá pa misa i dikon bo no ke pa e si bistí asina bin misa. Esei ta formashon. Papia riba e palabra di evangelio i mira kiko e ta kontribuí na bienestar di boso famia.

Riba roster

Kolegio Nechi Pieters ku nan pasapalu salu. Asina nos ta konsientisá nos muchanan di kome i biba salú.





Not'é riba bòrchi

Kolegio Annie Koenraad na sea Aquaruim. Nan a siña hopi.





**Den agènda
Fakansi di skol**

- **19 desember pa 4 yanuari**

Dianan speshal:
16 nov. Dia internashonal di toleransha
20 nov. dia di internashonal di mucha.
27 nov. Kuminsamentu di Advènt
1 desèmber dia di enseñansa

Mi ta konta

E bon tata.

Augusto a kumpli 50 aña di bida. El a sali ku su amigunan pa dal un beter riba su salú. Su amigunan tabatin palabra di elogio pa tur loke el a logra den bida. Un kas di su mes den un bon bario. Su kasá i e muchanan no tabatin falta di nada. Augusto a sinta tende nan, den silensio.

Despues di keda un ratu pensativo el a duna nan e siguiente kontesta: “Mi a hasi mi màksimo esfuerzo pa ta e mi hó tata pa mi yunan. Mi a traha hopi duru, 14 ora pa dia inkluso djasabra i djadomingu. Mi meta tabata pa duna mi yunan tur loke ami no tabatin na mucha.”

Su amigunan a sakudí kabes afirmativo, konvensí ku Augustu a logra su meta.

Augustu a bolbe tuma palabra: “Si, si kompolaga mi a logra. Mi a duna mi yunan un tata ku nunka ta na kas. Ora ei tei e tin mal beis i ta preokupá ku tantu trabou na su kabes. Nunka e tata aki tin tempu pa hunga ku su yunan, òf pasa tempu ameno ku su kasá. Mi a duna mi kasa i yunan tur loke mi no a haña. Mi no tin motibu pa ta orguyoso di mi logronan. Esun ku no a duna su yunan kariño, i su tempu no a duna lo mas importante.”

Un prenchi

Kolegio Sur Herman Jozef a kuminsá siman di kultura ku un ambiente di kita sombré.



Mucha djispou

Minglano



Siempre hay alguien que está peor que tú :)